



ATASSUT

Steen Lyngø

UKA 2015/130

11. 11. 2015

Nunatsinni meeqqat atualinnginnerminni, perorsaaniq ineriartortitsinissaq qanoq iliornikkut ulluunerani tamarmik neqeroorfigineqartarnissaat pillugu apeqquteqaat aallaavigalugu oqallinnissamik siunnersuut.

(Inatsisartunut ilaasortaq Juliane Henningsen, Inuit Ataqtigiit)

Siullermik siunnersuuteqartoq Inatsisartunut Inuit Ataqtigiit sinnerlugit ilaasortaasimasoq qutsavigissavarput taamatut soqutigintumik apeqquteqaat aallaavigalugu oqallinnissamik siunnersuummik saqqummiussaqaqarnanut.

Soorlu ullormut oqaluuserisat siuliani eqqartorneqartut ATASSUT-mit oqaatigivarput tunngavilersuutit paasilluarsinnaallutigit aamma arlaannaatigulluunniit assortorsinnaanagit, pingaartumik qanoq nunatta avataani ilinniartortatsinnut pingaaruteqartiginersoq, uternissaminut kajumissuseqarluarnissaat aammalu ilinniakkaminnik naammassinnissimallutik uterunik inuunermik nutaamik aallartitsinissaminni pitsaasunik sinaakkutissaqarnissartik, kisianni aamma nunaqavissunut allanut inuiaqatigiinnut imminut pilersorsinnaassuseqarlutik tunniusseqataarusuttut aamma ulluunerani paaqqinnittarfinnut periarfissaqarnissaat, kisianni tassa pingaarnertut – pingaarnarpaavoq meeqqat ulluunerani paaqqinnittarfinniittut pitsaasunik, aqqissugaasunik toqqissisimanartunillu avatangiiseqarnissaat, timikkut eqqarsartaatsimikkullu ineriartortitilluarsinnaasaanik.

ATASSUT-mit pingaartipparput inuiaqatigiittut toqqissisimanartumik ineriartortitsinissaq, taamaattumik aamma pingaartipparput allannguisoqarniartillugu pipallataanngitsumik suliat ingerlanneqartarnissaat minnerunngitsumillu aamma tunngavilersorluarneqarsimasunik.

Siunnersuummi ilaatigut siunnersuuteqartup tikkuarpaa børnehaveklasseqartitsilersinnaaneq tassuunakkut qulakkeerneqarsinnaaqqullugu meeqqat atualivinnginnerminni piginnaasamikkut piareersimanerunissaat. Tamanna isumaq immi ajunngikkaluarpoq, taamaattorli aamma



ilisimavarput meeqqat taamatut ukioqarnerini perugassusii assigiinngissinnaasaqimmata, atuarfinnut meeqqat angisuut akornannut “pulanissaanut” qanoq sunnerneqaatigisinnaaneraat aamma isiginiarneqartariaqartutut ATASSUT-mit pigaartipparput – meeqqat “meeraanermik misigisimalluarnissaa” pingaartillutigit taama oqarpugut – atuartunngorneq pisussaaffeqartutut annertuumik misigisimalersitsisinnaasarmat, tassani pingaarpoq meeqqat misigissutsikkut qajannarsinnaaneri eqqumaniarfigissallugit.

ATASSUT-mit ilisimavarput aamma qanoq nunani allani siusinnerutigisukkut atuartitsinermik aallartitsisoqartarnerisoq, ilisimasamikkullu piginnaasamikkut qaffasissumik inissisimasinnaasartut – kisianni meeqqatut misigissutsikkut piginnaasai allaanerugaarsinnaallutik – taamaattumik ATASSUT-mit isumaqarpugut meerartatta toqqissisimasumik peroriartornissaat isiginiassagutsigu taava aamma pingaaruteqarpoq inuiattut kinaassuttitsinni suut pingaartillutigit suullu salliutillutigit ineriartortitserusunnersugut – tassani pingaartitatsinnik oqaluuserinnilluaqqaarnissaq pingaaruteqarluinnartutut ATASSUT-mit suli isumaqarfigaarput.

Taamatut ATASSUT-mit apeqquteqaat aallaavingalugu oqallisissiaq oqaaseqarfigaarput.